

PWORAUSAN EKKEWE OPPOSUN EPPETIN SEMWEN

Opposun Eppetin ewe semwen itan Tdap Met kopwe sinei

(Semwenin
Tetanus, Diphtheria
me Pertussis)

Many Vaccine Information Statements are available in Spanish and other languages. See www.immunize.org/vis
Chómmóngun Pworausen Ekkewe Opposun Eppetin Semwen a pwan wor nón fóosun Spanish me pwan ekkóoch fóós. Nengeni/katon www.immunize.org/vis

1 Pwata upwe oppos?

Semwenin tetanus, diphtheria me pertussis a men fókkun watte. Ewe opposun eppetin Tdap a tongeni eppeti kich seni ekkei semwen. Iwe, ewe opposun eppetin Tdap ano ngeni ekkewe fefin mi pwopwo a tongeni eppeti ekewe móonukon resamo upwutiw seni ewe semwen itan pertussis.

TETANUS (Ew semwen itan Lockjaw) ese kon fifis me Merika ikenai. A efisatá an en futuk epwe mmei ika ngut iwe nge metekin a che ngeni unusan nón inisich.

- A pwan tongeni efisata ngútúnón futuk nón mokur me uwach iwe kose chiwen tongeni ammasaw, oromi mettóoch, iwe fan ekkóoch fen pwan ngasangas. Ei semwen itan tetanus-a nienó ina epwe 1 (emon) me nein 10 (engon) aramas iir mi torir ménún ei semwen ika mwo fen pwan mwirin ar safei.

Ei semwen a iteni DIPHTHERIA ese pwan kon fifis me Merika ikenai. A tongeni efisata och mettóoch epwe maanuunanó nukonapan en chior.

- A tongeni efisatá ika pwopwuétaáni osukosuken ngasangas, an esapw pwung angangen omw en foun ngasangas, epwe péenó inis ika paranais, me fen máno.

Semwen a iteni PERTUSSIS (Whooping Cough) a efisatá watten mwoor, ewe a pwan tongeni efisatá an epwe weires ngasangas, mwus me esapw kinamwe ne mour.

- A pwan tongeni efisatá kichúchúnó, epwe weires omw amwéchú omwe kiten konik me kiten mongo, me epwe kup churaraan. Ina epwe nap ika 2 (ruomon) seni 100 ekkewe ra tineich me 5 (nimon) seni 100 ekkewe ra watte/mwukonó mi torir semwenin pertussis ra niunganó ika fen wor watten ar osukosuk, ewe a pwan pachenong ewe semwen a iteni pneumonia ika fen máno.

Ekkei semmwen a pwopwutó seni ménún paiking. Ekkei semwenin diphtheria me pertusis a fetan seni emon aramas ngei pwan emon aramas nón ekkewe chénúchónun nón inis a tou fansoun ach mwoor me mwesi. Ei semwenin tetanis a tonong nón inisich nón ekkewe kinasan won inisich.

Mwen ekkei opposun eppetin samwai, ina epwe fen ukukun 200,000 chóón ani ei semwen diphtheria, 200,000 chóón ani ei semwen pertussis, me pwukuwen chóón ani ei semwen tetanus, a pwa nón repwot non Merika nón ew me ew ier. Mwirin pwopwután an aramas ra angei ekkei opposun eppetin semwen, repwot ren chóón ani semwenin tetanus me diphtheria a tturutiw ina epwe 99% me semwenin petussis ina epwe 80%.

2 Ewe opposun eppetin Tdap

Opposun eppetin Tdap a tongeni eppeti ekkewe tineich ierir engon tori engon me tiuu me ekewe ra watte/mwukonó seni semwenin tetanus, diphtheria, me pertussis. Efoch opposun eppetin Tdap a kan ngeni ekewe semiriit ierir 11 ika 12. Ekkewe aramas rese angei opposun Tdap nón ena úkukún ier repwe angei inetuchok a mwittir tufichin angei.

Tdap a fókkun auchea ngeni ekkewe chóón angangen non pioing (safei) me ese nifinifin io epwe nomw unukkun ekkewe monukon a kukkun ierir seni 12 maram.

Ekkewe fefin ir mei pwopwo repwe angei effoch opposun Tdap otun **iteitan ar pwopwo**, an epwe eppeti ewe monukon

esamwo upwutiw seni pertussis. Ekkewe monukon epwe kon mecheres an epwe torir osukosuk mi ononinen seni ewe semwenin pertussis.

Pwan ew opposun eppetin samwai, itan Td, a eppeti sonuk semweni tetanus me diphtheria, nge esapw pertussis. Ew Td epwe ina pwan oppos ka tongeni angei me nukun ekkewe oppos ka fen angei epwe iteitan 10 ier. Tdap epwe iei pwan efóch ekkewe oppos ka tongeni angei ika kose fen piin angei ei Tdap me mwan. Tdap ka pwan tongeni angei mwirin ew watten kinas ika kkar an epwe eppeti paikingin tetanus.

Noumw we tokter ika ewe aramas a ngonuk ewe opposun eppetin semwen a tongeni pwan ngonuk ekkóoch pworaus.

Tdap a tongeni sipwe angei fengenii me pwan ekkóoch ekkewe opposun eppetin semwen.

3 Ekkóoch aramas resapw angei ei opposun eppetin semwen

- Emon aramas a piin tori ekkewe semwen mi afeingaw a pwopwuto seni an memeefin inisir ngeni ekkei safei mwirin ar angei opposun diphtheria, tetanus ika pertussis, IKA mei wor an epwe semwen ren óch ei opposun eppetin semwen, repwe angei ewe opposun eppetin semwenin Tdap. Ereni ewe aramas a ngonuk ewe opposun eppetin samwau ika mei piin toruk allergies (ke kan semwen ren ekkewe oppos) mi watte.
- Io mi piin nomw nón coma (ewe ekan peenó nón nangatamen fansoun) ika mi ttam fansoun an tori máán kawakaw nón 7 ráán mwirin an angei ewe opposun eppet a semiriit ren DTP ika DTaP, ika angei efóch opposun ewe Tdap me mwan, repwe angei Tdap, chinón chok ika ra kúna pwe och mettóoch me nukun ei oppos ei a efisatá ómw we semwen. Ir mi chiwen tongeni angei ewe Td.
- Pworaus ngeni noumw we tokter ika ke:
 - toruk máán kawakaw ika pwan och osukosuken omw memeef,
 - toruk watten metek ika pwuronó wómw mwirin ekkei opposun eppetin samwau ren diphtheria, tetanus, ika pertussis,
 - mei piin toruk ei semwen a iteni Guillain-Barré Syndrome (GBS),
 - kose meefi pechokun nón ewe ráán ita kopwe angei ewe oppos.

4 Osukosuken

Ren ese nifinifin safei, pachenong ekkei opposun eppetin semwen, mei tongeni epwe wor osukosukan. Ekkei (semwen) mei chok kúkkún me mei tongei epwe pwisin wesinó. Mei pwan tongeni epwe wor watten semwenin (an inisum epwe semwen ren ekkei oppos) nge ese kon fifis.

Napengeni ekkewe aramas ra angei opposun eppetin Tdap ese pwan wor ar osukosuk ren.



U.S. Department of
Health and Human Services
Centers for Disease
Control and Prevention

Ekisichok osukosuk epwe fis mwirin Tdap (Ese ataenó ekkewe mwokútukút)

- Epwe met ikewe ra opposu ia (ina epwe 3 [unumon] nein 4 [fómon] tineich ika semiriit ierir engon ngeni engon me ttii ika 2 [ruomon] nein 3 [unumon] mei watte ika ekkewe ra mwúkonó)
- Epwe paronó ika pwo ia we re opposu ia (ina epwe 1 [emon] me nein 5 [nimon])
- Ekis pwichikkar ina epwe 100.4°F eukuukun (epwe naponó ika 1 [emon] me nein 25 ekkewe tineich ika semiriit ierir engon ngeni engon me ttii ika 1 [emon] nein 100 mei watte ika ekkewe ra mwúkonó)
- Metek mokur (ina epwe 3 [unumon] me nein 4 [fomon] me nein 10 aramas)
- Ménúúnú (ina epwe 1 [emon] me nein 3 [unumon] ika 4 [fomon])
- Eningaw, mwus, feisseni, met núukan (ina epwe 1 [emon] me nein 4 [fomon] tineich ika semiriit ierir engon ngeni engon me ttii ika 1 [emon] me nein 10 mei watte ika ekkewe ra mwúkonó)
- Ffél, metek nekochuun chuu (ina epwe 1 [emon] aramas me nein 10)
- Metek inisich (aionach) (ina epwe 1 [emon] me nein 3 [unumon] ika 4 [fomon])
- Kiningaw, pwo uwach (ese kon fiffis ei)

Osukosuk mi ekis watte mwirin ewe Tdap

(A ataenó ekkewe mwokutukut, nge ese kon watte an epwe nó safei)

- Metek ia we ra opposu ia (in epwe 1 [emon] me nein 5 [nimon] ika 6 [onomon])
- Parenó ika pwuronó (pwo) ia we ra opposu ia (ina epwe 1 me nein 16 tineich ika 1 [emon] me nein 12 mei watte)
- Pwichikkar a napeseni 102°F (ina epwe 1 [emon] me nein 100 [ipuku]) tineich ika semiriit ierir engon ngeni engon me ttii ika 1 [emon] me nein 250 [ruepuku nime] mei watte ika ekkewe ra mwúkonó)
- Metek mokur (ina epwe 1 [emon] me nein 7 [fúúmon] tineich ika semiriit ierir engon ngeni engon me ttii ika 1 [emon] me nein 10 [engon] mei watte ika ekkewe ra mwúkonó)
- Eningaw, mwus, feisseni, met núukan (ina epwe 1 [emon] ika 3 [unumon] me nein 100)
- Pwuronó unuseñ poum we ra opposu (ina epwe 1 [emon] me nein 500).

A fókkun watte osukosukan mwirin ewe Tdap

(Ese tongeni fééri ekkewe sókkun mwokútukut simi séffééri; epwe nó safei)

- Pwo, fókkun watten metek, pwúúseni chcha, parenón wón péñia we ra opposu ia (ese kon fiffis).

Osukosuk epwe tongeni fis mwirin ekkewe opposun eppetin semwen:

- Fan ekkóoch aramas rekan masaroch mwirin ekkóoch angangen nóón pioing, pachenong opposun eppet. Mmóttiw ika kónonó nóón úkukún 15 minich a tongeni anisi an kosapw masaroch, me feiengaw ika ka turunó. Ereni noumw we tokter ika kopwe mwanien, ika omw kuna mettóoch epwe ekkesiwin ika epwe kiik non seningomw.
- Ekkóoch aramas ekan metek afarer mi tongeni epwe watte metekin me epwe pwan ttam fansoun (en metek) seni ekkewe ekkóoch metek sikan meefi mwirin chok en oppos. Ei ese kan kon fis.
- Ese nifinifin sókkun safei a tongeni epwe efisatá ómw kopwe semwen ren ekkewe safei. Ekkei semwen seni ekkewe oppos ese chómmóng, aúreúran epwe 1 seni ew million oppos, iwe epwe fis nóón fitu chok minich ika awa mwirin ewe oppos.

Ren ese pwan nifinifin safei, mi chok kúkkún an en oppos epwe tongeni efisatá feiengaw ika mánó.

Túmwúnún ekkei opposun eppetin semwen kich mi chok mammasa iteitan. Ren pwan ekkóoch pworaus, nó ngeni: www.cdc.gov/vaccinesafety

5

Nge ika a wor wattein osukosukan?

Met upwe nengeni (ika kúttá)?

- Nengeni mettóoch ese nifinifin en mei ani osukosuk, ren sainin an inisum epwe semwen ren safei ika oppos, ika a kon watte pwichikkar, iwe nikinikin mwokútukútumw mi pwan sókkonó.
- Sainin a watte semwenin memeefin inisum ngeni ewe safei/oppes a pachenong hives (kingaw ekan to woch ika ese ochitikich och safei, oppes ika mongo), pwuronóón won mas me chior, weires ne ngasangas, echichin pungupungun foun ngasangas, mwanien me apwangapwang. Ei ina epwe pwopwtá ekkóoch chok minich ngeni awa mwirin ewe oppes.

Met upwe tongeni fééri?

- Ika ke ekieki nge a kon watte semwenin inisum ren ewe oppes, ika pwan ekkóoch osukosukan mi atapwanapwan ika emerechensi nge kose tongeni witiwit, kékééri 9-1-1 ika uwei ewe aramas ngeni ewe pioing a kanengonuk. Ika fen, kékééri noumw we pwisin tokter.
- Mwirin, ei semwen epwe repwot ngeni ewe Nenien repwotuni fansoun a wor osukosukan ekkei oppes a iteni Vaccine Adverse Event Reporting System (VAERS). Noumw we tokter epwe wisan/faen/makkei ei repwot, ika en mi tongeni pwisin fééri won ewe VAERS website www.vaers.hhs.gov ika omw kopwe kékééri **1-800-822-7967**.

VAERS ese ngeni kich aúréúr ren pekin safei.

6

The National Vaccine Injury Compensation Program (Prokram an Mwuun Merika a kan mesemes won niwinii osukosukan feiengaw ren ekkewe oppes)

Ewe National Vaccine Injury Compensation Program (VICP) ew prokram an mwuun (Merika) a kefisita pwe epwe niwinii/mééni ekkewe aramas ra feiengaw ren ekkóoch ekkei oppes.

Ekkewe aramas ra nükú nge ra feiengaw ren ewe oppes ra tongeni káéé ngeni ei prokram me epwe ifa usun ar faen ar kleim repwe kékééri **1-800-338-2382** ika no ngeni ewe VICP website won www.hrsa.gov/vaccinecompensation. Mi wor kéúkun fansoun faen kleim ren niwin.

7

Ifa usun ai upwe káéé pwan ekkóoch mettóoch?

- Eisini noumw we tokter. Ena mwan ika gefin a tongeni ngonuk ewe taropwe a kan pachenogeni ekkewe taropwen oppes ika ngonuk ekkóoch pworaus me nukun.
- Kékééri omw we putain safei seni mwuun fenu (local me state).
- Kékééri/Mmakengeni ewe Center for Disease Control me Prevention (CDC):
 - Kékééri **1-800-232-4636 (1-800-CDC-INFO)** ika
 - Nō ngeni an CDC's we website www.cdc.gov/vaccines

Vaccine Information Statement

Tdap Vaccine

2/24/2015

Chuukese

42 U.S.C. § 300aa-26



Translation provided by Hawaii Department of Health